




НИКОЛАЙ ЩУКИН

Менам
биपुर



НИКОЛАЙ ЩУКИН

Менам битур



КЫВБУРЪЯС

СЫКТЫВКАР
КОМИ КНИЖНОЇ ИЗДАТЕЛЬСТВО
1983

84.3КО

Щ 95

Щукин Н. А.

Щ 95 Менам бипур. Кывбуръяс.— Сыктывкар: Коми книжнӧй издательство. 1983 во. 64 л. б.

«Менам бипур» — Николай Щукинлӧн мӧд поэтической сборник

Мортлӧн олӧм да вылӧм, сылӧн шог да гаж, удж да пӧсь радейтчӧм, ёртасьӧм да ёртъясьнымӧс пыдди пунктӧм — татшӧм шӧр тематикаыс книгаӧ пырӧм унджык кывбурыслӧн.

Н. Щукин кӧсейӧ, мед эськӧ му вылас век вӧліны шондіа лунъяс и водзӧ эз ло сійӧ, мый ковмывліс аддзывны да ас вывтӧыс нуӧдны книгагӧн авторлы и сылӧн тшӧтшъячслы. И ми сы моз жӧ шуам:

...Миян йӧзлы унджыкыс оз ков.

Колӧ мир

И волысьны

Нянь-солӧн...

84.3КО

Щ $\frac{743-045}{М 128 (03) - 83}$ 30 — 83 м

© Коми книжное издательство, 1983



Уна рѳма му

Ме радла сыысь

Ме радла сыысь,
Мый эг кӧнкӧ чуж,
А буретш тані,
Кодлӧн ним — Россия.
Тан бательӧн-мамлӧн
Нэмӧвӧйся вуж,
Ме мӧд ног сэсса
Шуны ог и куж,
Выль вужъяс бара —
Менам ныв да пиян.

Эз кокни олӧм
Став йӧз вывтӧ мун.
Войнаяс тӧдлім,
Шогсьылім и радлім,
Мый водзӧ сӧвмӧ
Миян чужан му,
И миянӧс оз эновт
Ыджыд шуд.
И йӧзлысь синъяс
Восьтӧ век Октябрным.

Ме тӧда:
Регыд
Локтас сэтшӧм лун,
Кор лёклысь гӧрӧд
Став йӧз вермас разьны.
Оз прӧста

Му-планета
Ставнас пу,
Од важлы выльыс
Кодйö джуджыд гу,
Мед ставлы вöлі
Оти ыджыд праздник!

Менам му

Войвылыд и талун
Скөр да зумыш.
Да, ми тöдам сійöс
Гуг и бан.
Кодкö тани олö кыпыд нюмөн,
Кодкö сöмын вуджöртлывлö тан.

Коді тани чужліс —
Нэмсö олö.
Ас му-мамным —
Сійö öти нач.
Но, а коді кузь шайтъясла волö,
Сійöс тай оз шонты öдья пач.

Кодлөн татчö бур сьöлөмөн доксис —
Сылы вичмас
Муслун,
Мулөн пöсь.
Но, а коді пиньсö йирö лөксыйс,
Сійö Войвыв муын
Кортөм гөсть.

Видза граница.
 А син водзё усьо
 Көдзыд да толаа ас чужан му.
 Джуджыд крут кыр йылын ичөтсянь муса
 Лыаты сикт, менам Эжва — лөз ю.
 Аддза ме сьортъясысь козьяс да ньывъяс,
 Расьясысь кыла гөрд жоньяслысь шы.
 Сы мында мичлун, көть ставсö тэ сывъяв,
 Ставсö көть дзоридз моз кывбурад кы.
 Мый нö көть Войвыв да лыйсьывлö көдзыд?
 Позьö мöй шуны — сэн гажтöм да лөк?
 Войвылын чужи, сэн овны мен öтчид —
 Сийöс ог вунöд ме, некор дзик ог!

Унджыкыс оз ков

*Сыктывкарын Нэмъяс кезлö Слава
 памятниклөн мемориальной пöв вылö
 гижöма и менам бательысь овсö*

Пöрысьяслы —
 Яндысьны оз ков,
 Мыш саяныс налөн
 Биа вояс.
 Майбыр, öнi кадыс —
 Ов да ов!
 Ставыс тырмö,
 Юан эм и сёян.
 Праздникö ли сідзи —

Век почёт
Налы,
Кодъяс дорйисны
Выль олём...
Но, а мыйта,
Мыйта мича морт
Кызь арөдзныс весигтө
Эз воны?..
Радейтлісны быдөн
Чужан му,
Налы вөлі дона
Мамныс, нылыс.
Көді төдө,
Көні братскөй гу?
Чужан мусянь
Зэв-ө сійө ылын?
Накөд жө тэ вөлін,
Дона бать,
Өнөдз тэнө аддза
Томсьыс-томөн.
Бур, мый аслад рөдлысь
Колин прать,
Өні сылы
Водзө вылө лоны
Ловъя тэ век колян,
Тэ он вун,
Со и руд гранитысь
Лыддя өвтө.
Ыджыд донөн чуктіс
Шуда лун,
Меным сійөс
Водзө видзны повтөг.
Майбыр, өні кадыс —
Ов да ов
Ставыс тырмө,
Лолыдлы мый колө.

Миян йӧзлы унджыкыс оз ков.
Колӧ мир
И волысьны
Нянь-солӧн...

* * *

Ягыс кыпыд, ягыс сьылӧ —
Вӧрса олысьясӧн тыр.
Кодкӧ улын, кодкӧ вылын
Ассьыс олӧм нуӧ пыр.
Кӧккысь воясӧс ог юась,
Тӧда: менам асшӧр нэм.
Вӧвлӧ курыд, вӧвлӧ юмов,
Водзын бурыс эм жӧ, эм.
Ыджыд нэмын ӧмӧй шудыс,
Он кӧ мӧдлы бурсӧ коль?
Мед жӧ быд лун лоӧ югыд,
Мед жӧ сӧстӧм лоӧ ёль.
Мед жӧ шувгӧ, сьылӧ вӧрыс,
Сылы позьӧ — абу грек.
Кодлы овсис — сийӧ пӧрӧ,
Кодлы овны — сувтас век.

Пувйыс таво
Розья-розья.
Зіля вотчоны
Том гозья,
А кор дышодыштас,
Сэк
Окасьыштны
Абу грек.

Но, а ягыс —
Сылөн вöля —
Кыö помасьлытöм
Висьт:
«Лоад коркö
Пöчөн-пöльён,
Сэки вöрад
Он нин письт...»

Кымöр улын
Куйлö пестер.
Чöла дзуртö
Пожöм пу...
Кöть и талун
Тыртöг лэччан,
Лёк кыв вöрыслы
Он шу...

Удж йылысь

Вермас тӧдса морт энотны пикын,
Вермас томлуныд тшӧтш лоны руш...
Сӧмын менам пӧсь сьӧлӧмлы дзикӧдз
Лоис нэм кежлӧ бур ёртӧн удж.

Тӧдлі сьӧкыдлун, кынмӧм. А радлун
Сытӧг эськӧ и некор эз чуж.
Ӧтнас менсьым, том зонлысь, быд падмӧм
Ӧдйӧ бырӧдліс, отсавліс удж.

Нывлысь быдлаӧ сибалысь кисӧ
Ӧтнам бӧрйыны эг эськӧ куж...
Сыкӧд, донакӧд, миянӧс йитіс,
Ыджыд олӧмӧ пыртӧдліс удж.

Эг ме ӧтка вӧв, эг вӧв ме рамӧн,
Эз ков шулыны: «Сосьястӧ пудж!»
Менам ичӧтсянь лоис кӧ сямӧй,
Таысь атгӧ тэн, кувлытӧм удж.

Коркӧ пӧ шулӧмны важ йӧз

Коркӧ пӧ шулӧмны важ йӧз:
Оз ков пӧ сӧ шайт сьӧмыс,
А колӧ пӧ сӧ бур ёрт!
Менам жӧ ёртгьясыд сюрсьяс,
А найӧ став му шар пасьга,
Отсӧг сетны век дасьӧсь.
Сідзкӧ нӧ мый нӧшта колӧ?
Му вылас ме медся озырыс!

Коркө пө шулөмны важ йөз:
Биысь да ваысь пө өтдор
Ёнджыкыс абу некод.
Битө ме көсья кө — кусода!
Любөйөс, көсья кө — өзта!
Ю, ковмас, бергөда, ота.
Сідзкө нө мый нөшта колө?
Му вылас ме медся ёныс.

Коркө пө шулөмны важ йөз:
Дөрөма чужө пө шудаыс.
Ме көть и дөрөмтөм чужи,
Уна быд сьөкыдсө вуджи,
Ачым на олөмсө му вылас
Кыз көсья, сідзи и нуода,
Ачым ме тэрмөдла кадсө.
Сідзкө нө мый нөшта колө?
Му вылас ме медся шудаыс!

* * *

Бытьё туй морт бушков дырйи вошөма,—
Сулалө да кымө өтка пу.
Төда: сылы любө жө зэв гожөмыс,
Но өд гортө пач дінад он ну.

Шоныд лунөн абу лышкыд Войвывным...
Но ме тані паськөді ён вуж,
Радейтчөмла сьөлөм тані доймыліс,
И ме сійөс мыжавны ог куж.

Тэ со бара таркөдан мем өдзөсө,
Тайө шысыс некор ме ог ум,

Көть и пыртан сьөрсьыд ывла кӱдзыдсӱ.
Пыртан тшӱтш и, мусаӱй, пӱсь нюм.

Йӱз му йылысь гаравлӱны кымынысь...
Со тай, нылӱй, — быдмӱ ӱтка пу!
Абу дивӱ Войвыв муын кынмыны,
Дивӱ — оз кӱ шонты чужан му.

Айкатыла

Ас му пасьта
Кывсин ылӱ,
Нимыд тӱнад
Мыла, мыла,
Вӱзйысян век
Сыланкылӱ:
Айкатыла, Айкатыла.

Видзӱдчан век
Эжва ылӱ,
Кӱнӱ буксир
Буткӱ-кылӱ.
Пуръяс колльӱдан
Зӱв ылӱ,
Айкатыла, Айкатыла.

Шуштӱм кадыс
Кӱли ылӱ,
Шуда олӱм йылысь
Сылан.
Ставсӱ тӱдан,

Ставсö кылан,
Айкатыла, Айкатыла.

Қор ме тэсянь
Мунла ылö,
Сьöлөм дойöс
Пыр и кыла,
Мый тэ кöсйысьлөмыд
Сылы:
Айкатыла, Айкатыла?

Ва дорын

Сиа Серафим Поповлы

Еджыд руыс кайö
Ланьтөм юсянь,
Думсьыс кöсйö дзебны
Лыскысь чом.
Бара воштi шойчöм,
Чöскыд узьöм,
Веськодь меным
Кызди дзизгö ном.
Берег дорын
Сатшкөм вугыр шатьяс,
Қыйöдöны ёкыш
Лиbö сын.
Бара кө эз пузьöд —
Он öд матькы,
Сьöлөм менам
Некор абу кын.
Шедыштас кө — кыя,
Абу дыш рöд.

Уна чери мейым
Оз и ков.
Сөмын Эжва юыс
Эз ло лышкыд,
Уна сикас чери
Оз нин ов.
Месө мый,
Ме төдлі
Налысь көрсө.
Внукъяснымлы
Мөдысь вичмас оз?
Он тай сувтөд
Олөмыслысь серсө,
Водзө муніг
Бөрө он нин кос.
Ачыд аслыд
Некор он мун паныд,
Мый көть вөчам,
Ставсө шуам:
Бур!
Агтгө сыысь,
Мый природа-мамыс
Эз на дурмы,
Йөзсө оз на пур.
Өти олөм
Быд морт тані олө,
Ю век вөлі,
Юөн кольө ю.
Сөмын сэтөн
Вермас бырны олөм,
Чериватө сэки
Он нин пу.
Сідз кө лоө,
Мый сэк эськө шуае
Миян йылысь
Водзө олысь йөз?..

Чеччө шонди — !..
Кизьөрмыштө руыс.
Кымөртөм.
И енэж кельыдлөз.

Нёмыд ю

Дзольгө вөръяс, видзьяс костөд,
Көни джуджыд, көни коскөдз.
Нимыс аслыссяма: Нёмыд.
Юан васө — кыммө вомыд.
Эз көть вөвлы ыджыд слава,
Сөмын төдісны дзик ставөн:
Джуджыд йирьяссыс зэв ёна
Шедліс сирыд, визув комыд.
Но, а өні — миян кадө —
Овлө, асьным абу радөсь.
Няйт да гудыр содтө ферма,
Кодыр кос и кодыр зэрмас.
Лыньгө вөръяс, расьяс костөд,
Абу джуджыд, өдва коскөдз.
Нимыс век на өнөдз: Нёмыд.
Но он босьт нин васө вомад.

Ар

Гөрдөдіс пельсы,
Рудөдіс ю.

Кисьмыштӧм тӧлысь
Нинӧм оз шу.

Эзысьӧн койӧ
Рудзӧглысь идз.
Татшӧм лӧнь войӧ
Гажтӧмгчӧ видз.

Сюрс биӧн ярмис —
Пӧртмасьӧ кар.
Кузов тыр зарни
Нопъяліс ар.

Йӧра

Рам синъяса да доя кока
Лӧнь парма пытшкысь петіс йӧра.
Вир сера гыж туй тӧдчис бокас,
Лӧк кӧин кодӧс вӧчис тӧрыт.

Кузь зорӧд дорӧ надзӧн кежис,
Мед нювны, бурдӧдыштны дойсӧ.
Сэн чӧскыд дукӧн ӧвтіс эжӧр,
Сэн кӧсйис коллявны сэзь войсӧ.

Но эз на удит весиг водны,
Ен лыйӧм кыліс... Йӧра уси.
И морт нога жӧ помтӧм шоглун
Зэв надзӧникӧн синмас кусі.

Тувсов шор

Көть векньыдик и нэр на сійө,
Но бара нуö из и му.
И нинөм мед эз сувтөд сійөс,
Сідз уджалө, мый кайö ру.

Зіль мортысь сійөс он и торйөд,
Эм сылөн пыткас аслас би...
Быд тулыс татшөм жö вот шорьяс
Быд юысь кыпөдлөны йи.

* * *

Бара пасьталөма вöрыс
Уна рөма дзик выль дөрөм,
Быттьö ставнас мича вөт.
Сынөдыслөн ма кодь көрыс —
Лунтыр лолав — он и пөт.
Сайсис ылө баба гожөм.
Сөмын вежөсь коз и пожөм,
Налы любө өткодь мич,
Сулалөны ёнөсь, чождөсь,
Шувгыштөны чөла сідз.
Муна водзö, арыс орчча,
Кок оз мудз и ме ог шойччыв.
Вөр керкаын суас вой...
Кыз пу зарни койö соддзөн,
Вöрыс козьналө выль мойд.

Кок улысь дзирдалысь лысва
Дыша нин өктылө шонді.
Вөрыслөн турунвиж чышъян
Син водзын кельдөдны пондіс.

Козьяс да пожөмьяс весьтөд
Кымөрьяс уйöны чöла.
Мыш сайын бовйөдла пестер,
Вотчыны эг на и велав.

Ас чужан вөр-валысь мичсö
Мый верма чукөрта сьөрö.
Сэсся сы олöмысь висьтсö
Разöда кывбурьяс йөрö.

* * *

Менам юр весьтти
Витөд дас тулыс
Кокни борд вылас
Нуöны юсьяс.
Аддза: йирмөгсьыс
Сырмыштö муыс,
Кельдөм корьяслы
Лолывлө усьмөн.
А мен шоньд,
Дзик быттьөкө майын.
Сьөлөм шөпкөдö:
Сулышт на, сулышт!

Локтас, кодӱс век
Виччысян думысь.
Локтас тӱдлывтӱм
Гажа тулыс.

Вӱвъяс

Вӱвліны вӱвъяс,
Вӱвліны чождӱсь.
Вӱчлісны зӱв уна удж.
Накӱд ме ичӱтсянь
Зӱв уна гожӱм
Эг ӱмӱй челядь дыр вудж?

Вӱвліны вӱвъяс...
Шочмисны найӱ.
Аддза кӱ — малыштны рад.
Кажитчӱ, челядь дыр
Эз на и саяв.
Бытьӱкӱ бергӱдчис кад.

Эмӱсь и ӱні на
Лӱстались вӱвъяс:
Вӱснийӱсь, визулӱсь —
Петлывлӱ веж.
Сӱмын ме некор дзик
Уджалысь вӱлӱс
Гӱнйайтысь вылӱ ог веж.

Накӱд ме ичӱтсянь
Зӱв уна гожӱм
Кынӱмпӱт перйывлі пыр.

Уджалысь вѡвьяс,
Ті век лоѡ чождѡсь,
Гажѡдѡй сѡдз челядь дыр.

Эвенкьяс ордын

На ордѡ любѡй кадѡ лок —
Зѡв пѡся примитасны тѡнѡ, —
Кыдз дона воксѡ дона вок,
Ас морѡс бердас кутлас эвенк.

Дзик пыр жѡ ломзѡдасны пач.
Тѡ гѡсть сѡн — ляпкыд пызан сайын,
Эвенка рѡднѡй мам кодъ нач.
Туй мортѡс шонтасны пѡсь чайѡн.

Гѡн вольпась сѡсся пырысь-пыр
Ас пытшкас босьтас тѡнсьыд мудзѡм,
Кѡть кѡдзыд ывла скѡрнас тыр,
Но шебрас улысь оз нин судзѡд.

Асыв

Узьѡ сиктыс
Нѡньпом кага унмѡн,
Ошѡдчѡма весьтас
Тѡлысь-сюр.
Отнас Карко вѡв со

Син оз куньлы,
Гөрөктас да,
Пыркөдыштө юр.
Сялькөдчыштө Эжва
Небыд гынас,
Он и шу,
Мый чери тан оз ворс...
Енэжтасас
Гөрдөдыштөм кыа
Лэччысьөма,
Быттьө петук сорс.

* * *

Овны эськө маитчытөг нэмтө,
Чуказыд оз ло, и он ло дзор.
Но көть видлы, сьөлөмтө он вен тэ,
Сійө тпкө, тпкө пессигсор:
Сысянь ставыс — радлуныс и шогыс,
Абу веськодь сылы — кутшөм лун?
Сөмын тода: өти сылөн могыс —
Овны збоя, сысы мед ог ум.
Менө сійө быдторйө и ыштө,
Көть и ассыс чинтө тпкан нэм.
Овлывлө кө — пөраясөн бытшкө,
Таысь сөмын өтнам мыжа ме...

Олём вылас ог нин важ моз видзёд,
Кымын ола, сымын ме ог пёт.
Вояс, вояс — сьёкыд изки изьяс,
Кажитчө, мый содө тиян өд.
Изанныд, он жалитöй тi нинём,
Сы могысь, мед пётас оліс виль.
Вояс водзын некод абу чина,
Дзик өткодьось быдөн — тайö збыль...

* * *

*Ой, олём, олём,
Тэксыйд дөнтө...*
И. КУРАТОВ

Ой, олём, олём,
Донаторйöй,
Тэ овлан бур,
Тэ овлан лек.
Кор колө,
Он тай сэки дорйыв,
А бура овны —
Менам мог.
Ог лыдды ачымöс
Тан гөстьөн,
Ме тэныд сета
Вын и сям.
Виль олём вöсна
Вийся, öзья,
Но тэ вот мекöd

Абу рам.
Од эг жö ачым
Тэнö бöрйив...
Тэ бöрйини менö,
Тшöктин: ов!
Ой, олöм, олöм,
Эн жö пöръяв,
А сэсся нинöм дзик
Оз ков.

Медводдза воськовъяс

Ныр вылас усылас —
И тапиктö бара,
Бордъясьтöм лэбач моз
Шеныштлö ки.
Сылы эз тыр на и
Весигтö арыс —
Кокъяссö корсьö нин
Медводдза пи.
Воськовтас водзö —
И аслыс зэв долыд,
Мед кöть и дзугъялö
Быд турун сi.
Воськовтö, воськовтö —
Ыджыд öд лолыс,
Лов шыяс дзебöмөн
Любуйтчам ми.
Думсьыс öд тшöтш
Мыйкö висьтавны кöсьö,
Ичöтик пышкай моз
Паськөдлö вом.

Олӧмыс сылы
Став бурсӧ нин вӧзйӧ...
Воськовьяс, воськовьяс,
Кӧн налӧн пом?..

Менам бипур

Бипур ваймылас,
Сэсса бара
Сылань йӧткышта
Конда краж,
Биыс сӧ кывйӧн
Ворсӧ яра,
Меным содтыштӧ
Олан гаж.

Со тай нэм джын нин
Песта-лӧдсала,
Муртса ваймыштлан,—
Торксӧ ун.
Кӧть и тӧдса морт,
Кӧть и тӧдтӧмыс,
Шӧныд рутӧг мед
Бӧр эз мун.

Коркӧ дугда ме
Бипур лӧдсавны,
Коркӧ мӧд вӧчас
Гажа би.
Но ме тӧда,
Мый бипур пӧдтыгы
Югыд мортлӧн
Оз кыпав ки.

Ёвты дорыи

Сиа В. Размысловы

Август. Войяс пемыдӱсь,
Мусӱ лысва мыськӱ.
Бара тэа-меаӱс
Ёвты динӱ кыскӱ.

Қарын олысь мортыдлы
Тани медбур дача.
Ӑтка керка корӱ нин,
Ӑдзӱса да пача.

Миӱдз узылысь-олысьлы
Мӱд морт абу веськодль:
Нянь кольӱма, сов тшӱтш эм,
Дасьтӱма и пестор.

Сӱянтӱ кӱть асьным ми
Босьтлим ыджыд туйӱ,
Бурӱн мортсӱ казьтыштим,
Ыджыд атгӱ шуим.

Сыысь, мый оз вунӱдлы
Пӱльяснымлысь ногсӱ:
Тӱждысьыштіс мунігас,
Нинӱм эз вӱч лӱксӱ.

Шувгысь вӱр ді мянлы —
Ыркыд руысь сайӱд...
Юква пусьӱ би вылын,
Тшынӱн ӱвтӱ чайысь.

Дзоргӱны сюсь кодзувъяс,
Сьӱлӱм вылын кокни...

Мед эськө и водзö на
Вермим татчö локны.

Лапкор

Ичöt дырйи ки-кок частö
Дойдывлі ме, вильыш зон.
Пыр жö вöлі лапкор ляска,
Мöд лун ме нин важсьыс ён.

Туй дор лапкор, некод тэныд
Бур кыв уна эз на шу,
А öд йöзкöд олан нэмыд
Бокö туй дінысь оз ну.

Кузь төв муртса пöрччас пасьсö,
Тэ нин гöгöр тан и сэн...
Йöзлы век нин вöзъян асьтö,
Таысь ыджыд аттё тэн.

Лун кыз лун

Луныс воддза моз
Воліс да кусіс,
Лун кыз лун вöлі —
Он шу лёк.
Сійö кодöскö
Йитіс, юкис,

Вайис кодлыкӧ
Ыджыд шог.
Кодкӧ талунсӧ
Сідз-тадз таляліс,
Кодкӧ нэм кежлӧ
Кунис син.
Но, а кодлыкӧ
Буретш талуныс
Вайис слава
Да ыджыд чин.
Лун кыз лун вӧлі.
Воліс. Утӧвтіс.
Сійӧ бӧр сӧсся
Оз нин лок.
Татшӧм лунъясыс
Восӧ кутӧны,
Сідзкӧ, ӧти лун
Абу лӧк.

Юкмӧсгяс

Чӧскыд ваа юкмӧс
Сиктын миян эм.
Некор абу тупкӧс —
Сэтшӧм сылӧн нэм.
Быд морт васӧ новлӧ,
Кузь туйысь оз чуш.
Рытъядорыс овлӧ
Юкмӧсыс нач куш.
Думаитан, мый васӧ
Он нин аддзыв дыр,
Видзӧдлан мӧд асыв —

Бара сійӧ тыр
Тӧда ме мӧд юкмӧс —
Восьса сійӧ пыр.
Тыр век сәні, дзулькйӧ,
Гумлав — нәм оз быр.
Тыр, дерт, абу ваӧн,
Сы кузя он кывт.
Юкмӧс тырыс тәні
Мича коми кыв.
Сәтысь ме и юа,
Гудыртны ог сет.
Атьӧ, чужан муӧй,
Лышкыдлунсьыд тәд.

Кывбур йылысь

Кывбур — сійӧ ичӧтик,
Но мича висьт,
Кытчӧ лишнӧй кыв-ватӧ
Он тай кисьт.
Кывбур — сійӧ кодыр
Петӧ нюм,
Либӧ чужтӧ-чуктӧдӧ
Бур дум.
Кывбур — сійӧ,
Коді вӧчлӧ шог,
Либӧ сьӧлӧм вывсьыд
Чышкӧ ёг.
Кывбур — сійӧ ыпъялӧ
Яр биӧн,
Кодыр лӧксӧ
Ас му вылысь виӧ.
Кывбур — сійӧ ошкӧ

Мича удж,
Вөрөг динө некөр дзик
Оз вудж.
Кывбур — сійө
Ичөтик, но топыд висът,
Қодөс важмөм керка моз
Он кисът.

Прөсек

Вөрас кывзысьө пулөн быд кор,
Весиг вөрзыштлас, кок шы кө кылө.
Енэж ме весьтын лөз — пом ни дор,
Төдса прөсек тан чуксалө ылө.

Пув да тшак вотан кад — гажа кад,
Көть и кыз пу нин корьяссө кисътө.
Татчөс вөр-васө аддзывны рад,
Рад и тэныд тшөтш, кузь ныра истан.

Меным кажитчө: төрыт на дзик
Шуда челядь дыр котравліс татчө,
Ыджыд бипур тан ломзьөдлім ми,
Весиг пөимсө өні на аддза.

Быдөн тыртлывлім кутшөмкө доз —
Коді банка, а коді и туис.
Чөскыд сэтөр да пев пом кодь оз
Ичөт чой-воклы гортаным нулім,

Пашкыр коз, кӧнӧ пукавлӧм пыр,
Век на ӧнӧдз со сулалӧ танӧ.
Менам помасьлис тан челядь дыр,
Татчӧс прӧсекӧд томлунӧс панӧ.

Тайӧ прӧсекеыс — олӧмас туй —
Менам вӧлӧма медводдза туйӧн.
Кӧть и ас муысь ылӧ эз ну,
Ассым шудлунӧс танӧ ме суи.

Геологыяс

Помтӧм тундраын пессьӧ вой тӧв.
Суас рыт,— и палатка зэвт.
Уна на водзын тӧдтӧм ордым,
Венны Войвылӧс сьӧкыд зэв.

Но геологыяс — повтӧм войтыр:
Ныв кӧть зон — ставлӧн крепыд ки.
Накӧд дружитӧ пемыд войыс,
Тӧв и зэр улын ловзьӧм би.

Кружка чай дорын найӧ ӧтмӧз
Ставлӧн юкӧны гаж и шог...
Кодкӧ лыддыны бара тшӧктас
Маяковскийлысь «Хорошо».

Налӧн мӧвпьясныс ставлӧн ӧти:
Корсьны му пытшкысь ыджыд клад,
Мед кӧть сӧмын на усьлӧ вӧтӧн,
Кыззи дзордзалӧ танӧ сад.

Бипур куслас да ловзяс выльысь,
Төв коть шутьлялө, лэччө лым,
Мыла сьыланкыв юргө ылөдз,
Мый и Войвывным лоё пым.

Газетөн вузасысь

Садьмө посёлокным. Пемыд на зэв,
Удж вылө котөрөн пега.
Орчча киоскө ме кежавла век,
Газетсö ньöбны мед сэтысь.

- Тiяны кутшöмöс?
- «Правдатö» вай!
- Меным «Известия» колö!
- «Трудыд», том нылöй, абу на тай.
- Абу на, сёрнджык волöй...

Чужöмыс нылыслөн, быттьö гөрд оз,
Тэрыба вөрöны кияс.
Быдөн дзик, кытчöкө тэрмасигмоз,
Газетас сатшкысылö синнас.

Надзöник усьö небыдик лым,
Пуксьö со газетгяс вылö.
Кажитчö, быттьö быд кыв сэнi пым;
Лым чирйыс пуксьö и сылö.

Кöдзыдыс коть эськө ярсьыс на яр,
Зильлунсö нывлысь оз конды.
Сийөн, мый нылöс быдса страна
Аслас бур юёрнас шонтö.

Ытшикигөн

Турун лэптыссьома вылөдз,
Морөсөдз мем дзик нин.
Таво гожөм ола-выла
Аслам чужан сиктын.

Босьті киё лэчыд коса,—
Турун сөмын водё.
Лёсьыд мунны веж покосөд,
Төдса уджнас код ме.

Йёзыс шмонитёны, кыла:
— Прёста карас олан!
Тэ и тан он, зонмөй, ылав,
Медбур жёник лоан...

Турун вылө лысва усьё.
Рытыс мича, мелі.
Ог төд мыйла, кыв джын шутөг,
Турун пөвстөд келі.

Көть и сиктөдз абу ылын,
Мунсяс өмөй гортад?
Асья кыа, лэбач сьылөм
Любө карса мөртлы.

Унмөй воши, войбыд песся,
Морыс, гашкө, лыйис!
Шуөй, ёртъяс, мый нө сэсся,
Кольччыны-ө, мый-ө?



Радейтчөм
оз кус

Менам тайӧ зонмыс

(С ы л а н к ы в)

Бара гожӧм варовмис,
Узьны вой оз сет.
Кыз нӧ талун ва дорас
Йӧктыны он пет?

Сьӧлӧм вылӧ воис мен
Гудӧкасьысь зонмыс,
Уджын сійӧс морт оз вен,
Ачыс кӧть и том на.

Видз вылын ми ӧтлаын
Ытшкамӧ быд лун.
Сійӧ меным ӧтнамлы
Ыстылӧ пӧсь нюм.

Кӧсья эськӧ терпитны,—
Нюмъӧвтны тай ковмас,
Кутны асьтӧ верман мӧй,
Тшӧктӧ кӧ нин томлун?

Унаӧс кӧть гудӧкнас
Гажӧдлывлӧ, мед,
Менӧ сійӧ любитӧ —
Некодлы ог сет

Чужис кӧ нин радейтчӧм —
Сьӧлӧмтӧ он томнав.

Нывъяс, энӧ надейтчӧй,
Менам тайӧ зонмыс.

* * *

Овлӧ,
Слӧймас дінад
Тӧдтӧм морт,
Ассьыс сьӧлӧм
Гурйыв восьтас,
Сетас,
Бур тэн вӧчас —
Весиг дон оз кор,
Вышитчыны йӧз водзӧ
Оз петав.
Сыкӧд кӧть эн сӧйлыв
Чепӧль сов,
Аддзысьлан и
Прамӧй мортӧн шуан.
Сыкӧд веськыд сӧрниысь
Он пов.
Сыкӧд орччӧн
Би пыр
Ва пыр
Муан.

Примета

Эм примета: кузь туйӧ кӧ петіг,
Паныд локтӧ тэн куш киа морт,

Сідзкӧ, шудыд оз ло орччӧн тӕкӧд,
Сідзкӧ, бурджык, он ӕновт кӧ горт.

Быд приметалы ог ӕна эскы,
Кӧть и йӧзсянныс мыйсӧ ог кыв.
Уна во сайын, кузь туйӧ петіг,
Тыртӧм ведраа аддзисис ныв.

Ачыс пелькиник, синмыс — лӧз енӕж,
Юрсӧ катовтліс, козыналіс нюм...
Сійӧ важӧн нин гӧтырӧй менам,
Ола-выла и некор ог ум.

Ябыр поз

Юра кымӧръяс оз нин разавны,
Пельсы ӧшӧдіс сьӧкыд розъяс.
Гожся лунъяссӧ сӧмын казътылӧ
Менам ябырлӧн тыртӧм позйыс.

Шонді мыччыслӧ сӧмын корсюрӧ,
Этша ва ӧні сійӧ юӧ.
Лӕчыд тӧв нетшкӧ пулысь коръяссӧ,
Ньӧти жалиттӧг вӧтлӧ-нуӧ.

Частӧ казътылам мыйыс вӧлӧма,
Тӕкӧд ӧтвылысь шуда гозъя...
Сӧмын тыртӧм мед оз ло сьӧлӧмным,
Кыдзи аръясын ябыр позъяс.

Лун шөр лунё, а эз войё
 Тайёторйыс мекөд ло:
 Бытьё мойдын көкө-чойё
 Көкис меным уна во.

Лыдди, лыдди, сэсса торкси,
 Мөдысь босьтчи — тшөт эз сюр.
 Весиг дөзмышті да ёрччи,
 Эн пё, көкөй, вывті дур.

Ветлам, нылёй, вөр ді бокас,
 Чөскыд намыр сёям сэн,
 Гашкө, бара төдысь көкыс
 Кузь нэм туналас тшөтш тэн.

Этша кө, эн пукты пыдди:
 Тэ эн шогсы, ме кө эм.
 Ставыс, мыйта водзын лыддис,
 Тырмас тэн и тырмас мем.

Радейтчөм йылысь

Вылө он пуксы,
 Он янөд асьтө,
 Сэтшөм и эм, кутшөм колан.
 Шуднад век юксян,
 Отсыштны дась век,
 Йёзыслы бур вылө олан.

Тэ югыд кодзув,
Тэ мелі шонді,
Мөд ногыс кыз сэсса шуан?
Уджын век водзын,
Эбөс он кондыв.
Менө тшөтш аскөдыд нуан.

Радейта тэнө,
Пөрысьё-нэмө,
Нэм помөдз тэ меным колан.
Тэ сөстөм енэж,
Тэ менам енмыс,
Та вөсна помтөг ми олам.

Сөмын өтнас

Менө радейтöны нельöн,—
Нель зэв удал зон.
Öти зонмыс — мича Колюк,
Сиктса агроном.
Мöдыс гудöкасьны мастер,
Васькөд шог оз босьт.
Сöмын некор сылы ассьым
Сьöлөм ме ог восьт.
Митя зонмыс зэв жö варов,
Ышöдö быд лун.
Мунны ськөд овны карö.
Сöмын ме ог мун.
Ставныс ёнөсь, ставныс шаньöсь,
Ставлөн аслас дон.
Медся муса меным Ванюк,—
Öтнас нельöд зон.

Асъя лысьтысьӧм

Кӧть войся руыс эз на разав,
И сиктыс оз на садьмы дыр,
Том лысьтысьысыяслӧн нин важӧн
Пӧсь йӧлӧн ведраясныс тыр.
И кыптӧм быгйыс быгтьӧ шапка.
Ӧд ма и лысва — ставыс тан.
А мӧсьяс сулалӧны тшапӧсь —
Вель дыр на вӧраныс оз ям.
Кӧть дыр на лысьтысьӧм оз помась,
И жарыс ёна мед оз су,
Со бара тэрмасьӧ сикт помлань
Совхозса медся зіль пастук.
Том зонлы ставсӧ на ӧд позьӧ,
Эм сылӧн медся сӧстӧм дум:
Мед ӧти том ныв сылы водзӧс
Быд пӧрийӧ козьналӧ пӧсь нюм.

Жов тусьяса пирӧгъяс

Жов тусьяса пирӧгъяс,
Чӧскыдӧсь ті, эх!..
Челядьдырся пӧраӧс
Вӧтасьлывла век.
Жов тусьяса пирӧгъяс,
Гӧрд свекла тшӧтш сэн.
Вир-яйӧдз тай нэм кежлӧ
Йиджтысинныд мен.
Мамӧ вӧлі пач ломтас
Сідзи, мед оз сот.

Сьёлёмсяньыс веж лыскён
Чышкас пачлысь под.
Аддза, рокёс шомёсыс —
Ловъя быттьё нач,
Уна синма кыпёдчө —
Виччө сійёс пач.
Подыс вылө тёрліс коть
Мукөд сикас нянь,
Сэки он на бөрйысь тай,
Мый эм — сійё-й шань,
Жов тусьяса пирөгьяс
Чёскыдось, кыз ма.
Өні найёс пöжавны
Отнас кужö мам.
Овлö, кодкö шуас кö:
«Омоль сёянтор»,
Мам, эн кывзы некодлысь —
Сёям, сöмын кор.
Медым миян керкаын
Гажтöмыс оз ло...
Муса батьянь, вердысьсянь,
Письмö дыр оз во.
Кызди-й век, водз асывнас
Чеччам,
Вичмö удж...
Лёк вөрөгёс нöйтигөн
Некод эз тöд мудз.
— Гашкö, коркö бөр локтас,—
Надейтчыліс мам...
Өнөдз сэкса бөрдёмсьыс
Син пыкёс эз ям.
Кадыс быд дой бурдөдö,
Шогыд оз тай быр...
Жов тусьяслөн курыдыс
Өнөдз вомын пыр.

Дөва

Дөва йылысь больгывлісны уна:
Чорыд морт пö, сьёлöмыс пö көрт.
Усьöм йылысь юөр ваян лунö
Верöс вöсна ньöтчыд пö эз бöрд.

Бöрынджык нин дивитлісны бара:
Нэмтö пö öд öтнадөн он ов?..
Волывлісны корасысьяс ярöсь,
Öддортлывліс: некод пö оз ков.

Оліс-выліс дөва сямөн чöла,
Сьёлöм бердсö шонтіс öтка ныв.
Пöраясөн шудаөн зэв вöлі,
Казьтывліс кор верöслысь быд кыв.

Статя кыддзöй, еджыд юсьöй, нэм чöж
Мекöд ло — и нинöм дзик оз ков.
Эска öні, мый и йöзлөн эм жö
Юсьяслөн моз дзик öти любов.

Мам

Воа гортö
виччысьтöг
Шойччан лунö,
Мамлөн шогыс вежсяс
Мелі нюмөн.
Пыр жö мöдас педзны:
Тіри-тори,

Казытывлыны ставсö

бöрдöм сорён.

Сійö öтнас тöдö —

Челядь котыр

Кöдзалісны важён

Чужан гортсыс.

Бара тані бурдöдчывла

унмён,

Мамöй, тöда,

Войнас син оз куньлы.

Тöдны кө мен:

Дыр-ö пессяс-вермас?

Сэки эськö мунны

Эг на тэрмась.

Со и бара дойді

Сылысь сьöлём,

Бöрдö сійö,

Кöть и оз кыв гөлöс.

Мый нö вöчан?

Радлы тэ, көть шогсыс,

Тэрыб кадыс

Тшöктö мунны гортсыс.

Иитöдьяс

Воис пи,

И пöрысь мамсö бара

Қорö овны дінас,

Гажа карö.

Тырмас пö нин,

Нэмтö мырсин тані.

Сэні бур патера,
Газ и ванна.
Эм и уна рёма
Телевизор
Шойччы да кинотö
Быд рыт видзöд...
Кывзö мам,
И син доръясыс вазьö,—
Ставсö эновт,
Курөгьясöс разöд?..
Кутшöм öдйö
Том йöзыдлөн артмö,
Но, а кодлы кольны
Керка-карта?
Дона йöрсö,
Кöни дзик быд градйöс
Челядьöс моз лелькуйтö
И радлö.
Ставөн танöсь:
Чой-вок,
Дедьяс, бабьяс
Узьöны сиктсайса
Гажа ягын...
Олöмыд тай
Абу му-видз вуджöм,
Вермас öмöй овны
Кыккирудзöн?
Аттьö, пиö, сысы,
Мый он вунöд,
Аслам гортысь
Некытчö ог мун ме.
Мыйöнкö мöй вежан
Шоныд паччöр?
Тані олі нэмöс,
Мед нин татчö...
Самöвар со пузьö

Гажа шумён.
Важ керкаыс югдө
Мамлөн нюмён.

Пөчө

Сизимдас көть важён тыри,
Век на гортса уджтө вөчө.
Частө юавлывла сылысь:
— Мый нин шогсян, дона пөчөй?
Меным вочавидзліс сійө:
— Матын менам кулан кадөй,
Нөшта эськө, дона пиёй,
Өти внукөс видзны рад ме.
Чужис внук, а пөчлы любө —
Вердө йөлөн, шома пувйөн...
— Овны эськө свадьба лунөдз,
Сэссия-й поэьө меным кувны.
Ворсім свадьба, сэссия со мый
Став дырйиыс пөчным шуис:
— Правнукөс көть видзны во-мөд...
Но, а олөм водзө муніс.

Мөд мамъяс

Колө лоны стрөгөн,
Колө лоны рамён,
Колө асьтө сідзи кутны пыр,

Медым тэнö быдөн
Шуисны мөд мамөн,
Медым тэнö помнитісны дыр.
Медводдза учитель,
Том көть тэ, көть пöрысь,
Быдөнлы тэ муса,
Быдөнлы тэ ас.
Тэ йылысь бур думьяс
Нэм чөж видзам сьöрын.
Тэ өд медводз индан
Олөм туйö пас.
Овлö тэныд сьöкыд,
Овлö тэныд мустөм.
Пинявлан и быдөн
Коркө бөрйөм удж.
Но мый öзтін мортын,
Некор нин оз чусмы,
Сы вöсна мый тэнад
Сьöлөмыд зэв нюдз.
Медым тэнö быдөн
Шуисны мөд мамөн,—
Тайö вывті сьöкыд,
Но и вывті бур!—
Колö лоны стрөгөн,
Колö лоны рамөн,
Мөд ног тайö нимыс
Некодлы оз сюр.

Ёрт

Бур ёртөн лыддыны эн тэрмась,
Көть сійö тшыгөм олан здукад

Дыр лукйысыс да кыськӧ перьяс
Шайт кык-ӧ-куим, сэсся юкас.

Оз, сійӧ та йылысь оз вуиӧд,
И тэныд казтыштас на коркӧ.
Ме тӧда: татшӧм мортыд уна,
Ог бӧрйы татшӧмъяссӧ ӧртӧ.

Бур ӧртыд кыв шуны оз тэрмась,
Оз вузав другсӧ гӧз-мӧд шайтысь...
Бур ӧртыд сьӧлӧм сетны вермас,
Кор тэнӧ лякӧсьтӧны няйтӧн.

* * *

Чайтлі век, мый радейта ме тулыс.
Сэки ставыс выльысь ловзьӧ-чужӧ,
Сэки быдӧн меліасьны кужӧ.
Чайтлі век, мый радейта ме тулыс.

Чайтлі век, мый арыс меным мустӧм:
Сэки гӧгӧр кельдӧдӧ да чусмӧ.
Чужан муӧс эновтӧны юсыас...
Чайтлі век, мый арыс меным мустӧм.

Чайтлі век, мый радейтчӧмыс кустӧм,
Шудлуныслӧн некӧн абу помыс.
Вӧвлі коркӧ удалӧн да томӧн,
Чайтлі век, мый радейтчӧмыс кустӧм.

Ставыс вӧвлі: радлуныс и шогыс,
Ӧні тайӧ ныв-пиянын олӧ.

Эг кӧ тӧд ме ассым олан могӧс,
Сэки эськӧ водзӧ овны полі.

Вужьяс

Эм тэнад радейтана зон,
Мен сійӧ ёртӧн коркӧ шусис,
Но мыйла, нылӧй, он вун, он
И частӧ вӧтӧн меным усян?

Мый вӧвлі важӧн, бӧр оз ло.
И лёкӧн казътывны ог куж ме...
...Ен бушков пӧрӧдіс том коз.
Но муӧ колины кузь вужьяс.

Миянӧс ышӧдысьяслы

Мича нывьяс,
Дона аньяс,
Кытысь татшӧмьясыс ті?
Небыд сывныд,
Асьныд шаньӧсь,
Тіян водзын сывлам ми.

Эн кӧ вӧлӧй —
Ми эг олӧй,
Эг и тӧдлӧй гаж ни шог,
Тіпкӧ сьӧлӧм,

Овлö долыд
Миянлы тшöтш аслысног.

Тян праздник —
Гөгөр кыпыд.
Ті кö эмöсь — ставыс эм.
Олан гажсö
Сöмын кыклы
Быть нин ковмас юкны нэм.

Мича нывъяс,
Дона аныяс,
Кытысь татшöмъясыс ті?
Овны-вывны
Бурён-шаньён,
Водзö нуны олём би!

Сьöлём

Веж шепъяссö му вылысь
Вайышт,
Эн вунöд,
Сюй ва тыра дозйö,
Кён ландыш нин эм.
Мед кывла ме тшöтш,
Кыдзи лолалö муным.
Öд олöмыс-вылöмыс
Любö зэв мен.

Сэк син водзö сувтласны
Дзоридза видзьяс

И шонділөн дзирд улын
Сялькөдчысь ва.
Ме выльысь сэк быттьөкө
Прөйдита Нидзөд,
Көн сынөдыс сөстөм
Да юмов, кыз ма.

Ме аддза и кывла,
Кыз сьылөны нывъяс,
Мый гуляйтны колө,
Кор мича да том...
Но врач менам сьөлөмысь
Кылөма шыяс,
Тэн ас керка йөрад пө
Туйыдлы пом.

Нюдз сьөлөмөй-өгырөй,
Мый тэкөд лои?
Ме тэн сөмын эска,
А мукөдлы ог.
Ме төда, мый ставсө, дерт,
Босьтөны вояс,
А найө мен вайлісны
Буртор и лёк.

Көть висьөмөй менө
И чорыда личкө,
Но сьөлөмөй тіпкө,
Оз лөныштлы, оз.
И сійө век сэні,
Көн гажлун и мичлун,
Көн тшупөны олөмлысь
Орлывтөм пос.

Оз өмөй унджык ков?

Кытчө тэ кольёмыд томлун,
Кытөн тэ, медгажа кад?
Вөтөн көть корсюрө волы —
Таысь ме век лоа рад.

Тэ меным козьनावлін муслун,
Тэ меным козьनावлін шуд.
Сьёлөмөй на көть эз чусмы,
Жалитны кызди он кут
Сийөс, мый вөчны эг эшты,
Сийөс, мый көсийысьліс лов.
Томлунсө сетөма этша,
Оз өмөй унджык на ков?

Кытчө тэ кольёмыд, томлун,
Кытөн тэ, медгажа кад?
Вөтөн көть корсюрө волы —
Таысь ме век лоа рад.

* * *

Овлө олөмад тадзи пыр:
Олас-олас да кувсяс мортыд.
Йөзыс шуасны: овліс кыз шыр,—
И гөрд дөраөн кышасны гортсө.
Көдзыд кымөссө окалігмоз
Рөдвуж бөрддзыштлас,
Ланьтлас төвру...
Но, а му выв

Оз гажтöммы, оз,
Бытьö мортыс сэн
Эз и вöвлы.

Но эм йöз, найöс смертьыс оз босът,
Найö миянкöд век öти кытшыи...
Сьöкыд кадö, кор мöд ног эз позь,
Найö юрнысö пуктисны тышыи.
Тайö на вöсна шогсьö му,
Талун найöс ми казътылам быдөн.
Налы некор оз кодйивны гу,
Найö олöны кувтöмьяс лыдын.

* * *

Козьяс вылын лымйыс
Уна дзирдөн
Пöртмасьö сідз —
Сиитö весиг ёнтö.
Рытыс кöдзыд,
Суктö сөнсьыд виртö —
Ывлаö кöзяин
Оз лэдз понсö.

Тайö здукас некод
Некөн абу.
Тöлысь-ёртöс
Гуны кöсийö ёма.
Но ми тэкöд
Некор абу лябöсь —
Мунам орчöн
Сиктöд помысь помö.

Лымйыс варов,
Кок уланым дзуртö.
Окасям, öд гажным ёна быри.
Татшöм рытнад
Гуляйтнытö бур тай;
Нинöмыс оз тыдав
Öшинь пырыд.

Корся ассым

Кöсйыссьö зэв уна быд бурсö вöчны:
Мичмöдны мусö и козьнавны долыд.
Тöдам, öд му вылас олам дзик öтчыд.
Вылі мед лэбалис, гажъяліс лолыд.

Ола и радла — став збыльмöны мöвпьяс:
Чужан му шуда и думъясным паськыд.
Тöлысьöдз лэбзылім эг сöмын вöтөн
Сылысь ми гуг и бан аддзылім асьным.

Аддзылім, радлім, а олöмыс водзö
Ключ ва моз визула тюрö да тюрö...
Мудзлытöг корсьыся шуд ваян кодзув
Эска, мый коркö мен быть сійö сюрö.

Мем тэнад нюмтöг . . .

Ми öта-мöдлы —
Пöсь ни кöдзыд,

Ме тэныд быттьö
Кортöм гöсть.
Кöть эськö овлім
Лöня, сöдза,
И вöвлі радейтчöмным
Пöсь.
Мый лои тэкöд,
Мекöд, аньöй,
Сьöд каньыс костöд
Эз-ö вудж?
Ме шулі тэнö
Шондібанöн,
А öнi тэнад
Синмад мудз.
Мем тэнад нюмтöг
Кöдзыд. шуштöм,
Оз шонты би...
Он асьтö тöб.
Он вермы удждывны тай
Шудтö,
И некор муслунтö
Он ньöб.

Надея

Ме ог шу: бур көзьяйкаöй, пыр
Лöсьыд жыръясö, кодöс ме дасьтi.
Тэнад аслад эм эмбура жыр,
Югьд, сöстöм и шоныд, и паськьд.
Сöмын сэтөн тэ öтнадөн нач,
Шуда лун йылысь лача пыр кутан.
Коркö тэ öмöй мөвпавлің тадз

Ассыд коллявны медмича здукъяс?
Но эм надея, тайё нин бур,
Сытөг овнытё съёкыд и шуштём.
Коді оз корсьысь,— сылы оз сюр,
Коді мустёмтё,— ачыс тшөтш мустём.
Но тэ мөд — съёлём бурлуннад тыр,
Тэнё татшөмөн нэм быттё тёда,
Көть и муса тэн каршөрсә жыр,
Сөмын шу — и тэ полюсөдз мөдан.

* * *

Отилён машина,
Мөдлөн аслас горт.
Менам абу нинём —
Сөмын кыз блокнот.

Эзысь моз сән зильгө
Уна сьыланкыв.
Нинём, көть и найёс
Некод на оз сьыв.

Кыз блокнотысь өтдор,
Уна мен оз ков:
Медым вөлі шонді,
Дружба да любов.

Нөшта эськө колө
Енэж, коді лөз,
Ыджыд думён олысь
Сьёлёма, бур йөз.

Вылө ме ог лэптысь,
Завидысь ог пот.
Озырлунöй зептын —
Кызіник блокнот.

Сиктса нывлы

Вөр-валөн мичлуныс ворсөдчө синъясад,
Некор дзик жугыльлун сэтчө оз писътлывлм.
Быд уджын өткодя варовось киясыд.
Бандзибыд, ныланöй, оз тусь моз кисьмöма.

Татчөс быд шор тэныд ас ногыс дзольгыштö,
Синъяссö тэ вылысь зонъяс оз вештывны,
Асья сөдз лысвалысь югъялысь мольяссö,
Майбырöй, уна и көвтлыны эштылан.

Тэнад зіль киястөг нянь тан оз шептассы,
Тэнад пось сьөлөмтөг гажлы не волены.
Збойлунтö, зільлунтö он тэ видз дзебасын,
Удж вылө аскöдыд ваян тшöтш долыдлун.

Ас сиктса зонъяслысь, збойяслысь, ёнъяслысь,
Сьөлөмъяс гусьöник шоглуныс сывъяліс,
Меным жö лоин тэ медводдза помкаён
Менам поэмаяс, пось сьыланкывъяслы.

Медбур ныв

Обед дырйи пырис цехö
«Югид туйысь» репортёр.
Шуис: колö пö газетö
Тіян цехысь медбур морт.

Мастер индіс том ныв вылö —
Со, станочница зэв бур!
Но, а нылыс быттьö сыліс —
Объективö эз и сюр.

Эз, дерт, полöм вöсна пышйы,
Тöда, нылыс веськыд ем!
Прöстö славалы эз ышты:
Ме кодыд пö уна эм.

Мöд му мен оз ков

Коркö койтлісны тані таръяс,
Зыбуч нюръясысь öвтис грöз.
Öні кыптö тан Эжва карным,
Татчö овмöдчö вына йöз.

Лöз Эжва, лөнъ Эжва,
Тэ гажöдан лов.
Мöд юөн ог веж ме,
Мöд му мен оз ков.

Визув ю пöлөн пожöм пуяс
Чöла тэчöны мича мойд.

Пуръя катеръяс ылі туйö
Тані кывтöны лун и вой.

Коді шудтöмөн асьсö лыддьö,
Сöмын тась сійö аддзас шуд.
Кöть и Войвывным скöрджык быттьö,
Тöда, жалитны он нин кут.

Уна ныв бара миян таво
Вежас мöд вылö асьыс ов.
Удждыд, майбыр, тан тырмас ставлы,
Тырмас ставлы и пöсь любов.

Войпук йылысь

Коми войпук йылысь
Сёрни серти тöдам.
Мам на сэні сьывлём,
Бать на сэні нöдлём.

Вöвлёма пö гажа,
Вöвлёма пö муса,
Мамöй дзор нин важөн,
Батьлөн олём кусі.

Кöсийöмыс да мөвпыс
Налён збыльмис-олö,
Сöмын миян мөдтор
Мыйлакö нин колö.

Праздникъясным выльöсь,
Важсö сылам, нöдам...

Но, а войпук йылысь
Та мында и төдам.

* * *

Колө, мед век кылі пармалысь висьтсө,
Ас Коми мулысь мед аддзи быд мичсө,
Медым выль кывбурнам войтырлы кужи
Отсавны, гажөдны быд сьөкыд уджын.

Мед эськө быдөнлы лон бур ёртөн,
Рөдина лыддис мед колана мортөн,
Мед эськө ас нэмөн мукөд моз сямми
Сины став олөмөс Рөдина-мамлы.

Юриндалысь

I

Уна рёма му

Ме радла сысысь	6
Менам му	7
«Видза граница...»	8
«Унджыкыс оз ков»	8
«Ягыс кыпыд»	10
«Пувйыс таво»	11
Удж йылысь	12
Қоркө пө шулөмны важ йөз	12
«Бытьё туй морт»	13
Айкатыла	14
Ва дорын	15
«Нёмыд ю»	17
Ар	17
Йбра	18
Тувсов шор	19
«Бара пасьталөма вёрыс»	19
«Қок улысь дзирдалысь лысва»	20
«Менам юр весьтти»	20
Вөвъяс	21
Эвенкъяс ордын	22
Асыв	22
«Овны эськө маитчытөг»	23
«Олөм вылас важ моз»	24

«Ой, оло́м, оло́м»	24
Медводдза воськовьяс	25
Менам бипур	26
Ёвты дорын	27
Лапкор	28
Лун кыз лун	28
Юкмосьяс	29
Кывбур йылысь	30
Прөсек	31
Геологьяс	32
Газетон вузасьысь	33
Ытшкигон	34

II

Радейтчөм оз кус

Менам тайо зонмыс	36
«Овлө, слөймас дінад»	37
Примета	37
Ябыр поз	38
«Лун шөр лунө, а эз войо»	39
Радейтчөм йылысь	39
Сөмын отнас	40
Асья лысьтыём	41
Жов тусьяса пирөгьяс	41
Дөва	43
Мам	43
Питөдьяс	44
Пөчө	46
Мөд мамьяс	46
Ёрт	47
«Чайтлі век. мый...»	48
Вужьяс	49

Миян ^н ос ыш ^н одысьяслы	49
Сь ^н өл ^н м	50
Оз ^н өм ^н й унджык ков?	52
«Овл ^н ө ол ^н мыд тадзи пыр»	52
«Коз ^н яс вылын лым ^н йыс»	53
Корся ассым	54
Мем тэнад нюмт ^н өг	54
Надея	55
« ^н Отил ^н өн машина...»	56
Сиктса нывлы	57
Медбур ныв	58
М ^н өд му мен оз ков	58
Войпук йылысь	59
«Кол ^н ө, мед век кыл ^н ...»	60

Николай Александрович Щукин
МОЙ КОСТЁР

Стихотворения

На коми языке

Художник *В. И. Осипов.*
Рецензенты *Ю. К. Васютов, Г. И. Торлопов.*
Редактор *В. А. Попов.*
Художественный редактор *В. Б. Осипов.*
Технический редактор *А. Н. Вишнева*
Корректор *Э. С. Грегер.*

ИБ № 910

Сдано в набор 11. 10. 83. Подписано к печати
23. 11. 83. ЦО 0895. Формат 70×90¹/₃₂. Бум. № 1.
Гарнитура «Литературная». Печать высокая. Усл.
печ. л. 2,34; усл. кр.-отт. 2,56; уч.-изд. л. 2,19.
Тираж 2000. Заказ № 7670. Цена 25 коп. Коми
книжное издательство. 167610, Сыктывкар. ул,
Карла Маркса, 229.

* Республиканская типография Государственного
комитета Коми АССР по делам издательств, по-
лиграфии и книжной торговли. 167610. Сыктыв-
кар, ул. Коммунистическая, 20а.

25 коп.



Колми книжний издательство

1983